

BOSNA I HERCEGOVINA  
FEDERACIJA BOSNE I HERCEGOVINE  
KANTON SARAJEVO  
GRAD SARAJEVO  
OPĆINA NOVI GRAD SARAJEVO  
OPĆINSKI NAČELNIK

Broj: 02/12-23-11686/19  
Sarajevo, 01.07.2019.godine

Na temelju člana 24. stav (1) tačka a) i 70. Zakona o javnim nabavkama ("Službeni glasnik BiH", broj 39/14) i člana 14. Pravilnika o nabavci roba, vršenju usluga i ustupanju radova broj 09-05-26263/15 od 27.11.2015.godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/125-05-10708/18 od 16.05.2018.godine, a na preporuku Komisije za javnu nabavku radova, Općinski načelnik d o n o s i:

## **ODLUKU**

### **o dodjeli ugovora i odabiru najpovoljnijeg ponuđača**

**I** Prihvata se preporuka Komisije i ugovor u predmetu „Izvođenje dodatnih radova na rješavanju saobraćaja u mirovanju – parking Trg grada Prato po osnovnom Ugovoru br. 02/12-23-23307/18 od 12.02.2019.godine“, dodjeljuje se ponuđaču **ORMAN doo Kiseljak, ul. Žrtava domovinskog rata bb Kiseljak**, sa konačnim iznosom ponude za ugovor **29.964,40 KM** sa uračunatim PDV-om.

**II** Otvaranje i analizu ponuda provela je Komisija za javnu nabavku radova (u daljem tekstu: Komisija), u skladu sa odredbama Zakona o javnim nabavkama. Zapisnik sa otvaranja ponuda, Zapisnik o pregovaranju i Zapisnik o radu Komisije sa preporukom za dodjelu ugovora u spisu.

**III** Zadužuje se Služba za zajedničke poslove, da obavijesti učesnika pregovaračkog postupka o prihvatanju ponude, a u skladu sa datim Zapisnikom o radu Komisije i preporukom za dodjelu ugovora, te nakon isteka žalbenog roka pripremi prijedlog ugovora i u predviđenom zakonskom roku dostavi odabranom Izvođaču na potpis.

**IV** Obavezuje se ponuđač iz stava I ove Odluke da u roku od 5 dana od prijema obavijesti o rezultatima postupka, dostave dokumente navedene u napomeni tačke 7. tenderske dokumentacije u skladu sa članom 45. stav 2. tačka od a) do d) Zakona, ne starije od tri mjeseca računajući od momenta dostavljanja ponude.

### ***Obrazloženje***

Uvidom u dostavljeni izvještaj o radu Komisije i preporuku za dodjelu ugovora konstatovano je sledeće:

Tokom realizacije Ugovora broj 02/12-23-23307/18 od 12.02.2019.godine o Izvođenju radova na rješavanju saobraćaja u mirovanju – parking Trg grada Prato, javila se potreba za izvođenjem dodatnih radova.

Opravdanost provođenja pregovaračkog postupka utvrđena je na osnovu mišljenja stručno-tehničkog nadzora br. IZ-IGBL-IN-DO-1601/19 od 14.05.2019.godine i dostavljenog Obrazloženja Službe za investicije i komunalne poslove br. 02/08-23-3480/19 od 14.05.2019.godine. Navedenim aktima potvrđena je opravdanost izvođenja dodatnih radova.

U vezi sa tim, Služba za investicije i komunalne poslove obratila se sa Zahtjevom za odobravanje nabavke, nakon čega Služba za zajedničke poslove upućuje Zahtjev za pokretanje postupka javne nabavke broj 02/12-sl od 17.05.2019.godine Općinskom načelniku.

Postupajući po gore navedenim zahtjevima, a u skladu sa članom 18. stav 1) Zakona o javnim nabavkama („Službeni glasnik BiH broj 39/14“) Općinski načelnik donio je Odluku o pokretanju postupka javne nabavke za „Izvođenje dodatnih radova na rješavanju saobraćaja u mirovanju – parking Trg grada Prato po osnovnom Ugovoru br. 02/12-23-23307/18 od 12.02.2019.godine“, putem pregovaračkog postupka bez objavljivanja obavještenja o javnoj nabavci. Poziv za učešće u pregovaračkom postupku broj 02/12-23-11686/19 od 27.05.2019.godine upućen je izvođaču radova ORMAN doo Kiseljak, za dostavu ponude za izvođenje dodatnih radova u predmetnoj nabavci.

Komisija je dana 07.06.2019.godine otvorila dostavljenu inicijalnu ponudu koja predstavlja osnov za pregovaranje. Komisija konstatuje da ponuđena cijena za ugovor u inicijalnoj ponudi iznosi 25.610,60 KM bez PDV-a, odnosno 29.964,40 KM sa uračunatim PDV-om. Zapisnik o otvaranju dostavljen ponuđaču na fax.

Komisija je dana 11.06.2019.godine uputila ponuđaču poziv za pregovaranje. U toku pregovora Komisija je razmatrala mogućnost smanjenja cijene u inicijalnoj ponudi, te pregovarala sa ovlaštenim predstavnikom ponuđača o istom. U toku pregovaranja, ponuđač je izjavio na Zapisnik da ostaje pri predloženoj cijeni u inicijalnoj ponudi. Tokom pregovora, ponuđač se saglasio i sa ostalim uslovima iz tednerske dokumentacije. Komisija je zatražila od ponuđača da se u ostavljenom roku izjasni o konačnosti svoje ponude. Zapisnik o pregovaranju dostavljen ponuđaču na fax.

Ponuđač je dana 19.06.2019.godine dostavio konačnu ponudu broj 233-60/19 u kojoj je utvrđeno da je nije došlo do promjene cijene iz inicijalne ponude, te da ukupno ponuđena cijena za ugovor iznosi 25.610,60 KM bez PDV-a, odnosno 29.964,40 KM sa uračunatim PDV-om. Komisija je izvršila analizu konačne ponude i utvrdila da ista u cijelosti ispunjava sve uslove tražene tenderskom dokumentacijom i da je ista i računski ispravna.

Iz navedenih razloga, a primjenom člana 64. stava 1) tačka b) Zakona o javnim nabavkama, odlučeno je kao u dispozitivu Odluke.

#### **Pouka o pravnom lijeku**

Ponuđač koji je sudjelovao u postupku javne nabavke može radi zaštite svojih prava i pravnih interesa, izjaviti žalbu Uredu za razmatranje žalbi putem ugovornog organa u roku od 10 dana od prijema pismene obavijesti (Odluke) o izboru najpovoljnijeg ponuđača. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

Obradila  
Enisa Babić, dipl. pravnik



- Dostaviti:
1. Ponuđaču
  2. Služba za zajedničke poslove
  3. A r h i v i / u spis